



- Forma an no servisu hamutuk
- Akompañamentu foin-sa'e sira nian
- Movimentu Juvenil Salesianu
- Voluntariadu
- Kordenasaun ba komuñau

KOOPERASAUN BA DEZENVOLVIMENTU (2006)

Tuir dokumentu *Liña orientativa ba NGO sira desenvolvimento nian husi Institutu FMA* nian ne'ebé Konsellu Jerál elabora iha 1999. Apresenta desenvolvimento umanu ne'ebé Instituto hakarak promove, ninia estilu no finalidade sira tuir Kreda-nia Doutrina Sosiál.

Fó aten-barani atu koordena malu entre realidade oinoin ne'ebé servisu iha Institutu FMA nian, no kria rede ho organizmu sira sosiedade sivil nian no comunidade eklesiál nian kona-ba: justisa, damen, atensaun ba kriaun, kultura solidariedade nian, pastorál juvenil nia perspektiva sosiál, voluntariadu...



Filhas de Maria Auxiliadora
mak sinál
domin Maromak nian
iha mundu no Kreda



Inspetoria "S. M. Mazzarello - TIN"

konferénsia sira nasional no internasional hotu. Objetivu Kongresu mak:

Haree situasaun atuál moris relijioza nian. Analiza signifikadu no importánsia moris relijiozu nian iha mundu loro-ohin nian.

Aumenta konxiénsia kona-ba responsabilidade ne'ebé Uniaun sira no konferénsia relijioza sira iha.

Deskobre, simu no hametin mudansa ruma, ne'ebé presiza atu halo.

Kria, espiritualidade no prátika komunian nian, iha Kreda no iha mundu. Atu koñese oportunidade sira komunian nian entre karizma oioin.

Tema Kongresu mak “Paixaun ba Kristu, paixau ba humanidade”, atu bele reflete kona-ba Kristu nia Paixaun, Paixaun ho Kristu no Paixaun ba Kristu. Reflesaun nia sentru mak Kristu nia paixau ba humanidade no ba mane no feto ne'ebé hako'ak moris relijiozu.

Ikona sira ne'ebé hili mak: Feto samaritana iha Posu no Samaritanu Di'ak. Kongresu hahú loron 23 fulan Novembru no remata 27 Novembru 2004. Iha Kongresu partisipa 850 relijiozu mane no feto sira.



KAPÍTULU JERÁL XXII

Iha 2008 Institutu hala'o Kapítulu XXII ho tema: “Ita simu bolun atu sai, ohin-loron, sinál no espresaun domin proveniente Maromak Nian”. Dokumentu kapitular, “Domin mak boot liu hotu” apresenta dalan 4 konversaun nian ba domin no orientasaun 2, ida kona-ba renovasaun vital tuir Konstituisaun, ida kona-ba pobreza.

LIÑA ORIENTATIVA BA MISAUN EDUKATIVA FMA NIAN (2005)

Esprime ho klaru kona-ba prioridade pastorál: orienta foin-sa'e mane no feto sira ba hasoru Jezús Nazáre, tanba nia mak bee-matan loos moris nian no moris ne'ebé naresin.

Novidade testu ida ne'e nian mak oferese modun foun atu esprime Sistema Preventivu liuhusi prospetiva 4: kulturál, evangelizadora, sosial, komunikativa.

Dokumentu individua estratéjia prioritaria balun:



Ba momentu istóriu ida-idak sei hetan informasaun kona-ba:

Akontesimentu mundial

Akontesimentu eklesiál




Akontesimentu Institutu nian



2008-2009



MODELU REDE SOSIÁL NIAN



Iha informátika **social network** ka servisu rede sosiál nian konsiste iha estrutura informátika nian ne'ebé organiza iha WEB, rede sira ne'ebé bazeia ba relasaun sosiál. Nu'udar social network sites ita bele sura servisu rede nian ne'ebé permite atu hametin amizade online ka aumenta rede kontatu pesoál nian. Social network sites hahú buras iha 2003. Entre rede sira ne'e ita bele sura: Facebook, MySpace, Twitter, Friendster no sira seluk tan.

Atu tama hodi hola parte iha rede nune'e presiza harii profilu pesoál nian, hahú husi informasaun kona-ba adress email nian to'o kona-ba hobby, esperiênsia servisu nian.... . Bele konvida belun sira atu hola parte iha network rasik, hafoin sira halo fali ho sira-nia belun atu nune'e lista kontatu sira-nian bele aumenta.

Digital native mak espresaun ne'ebé aplika ba ema ne'ebé sai boot/adultu hamutuk ho teknolojia dijitál, dehan katak komputer, internet, movel telefone no MP3. No kontráriu, ema hanaran nu'udar **Imigradu dijitál** (digital immigrant) sira hotu ne'ebé moris no sai adultu molok teknolojia dijitál mosu, tan ne'e aprende atu uza nia bainhira boot ona. La bele mós haluha katak **mundu dijitál nian** imigradu dijitál sira mak inventa.

KONGRESU MUNDIÁL VIDA KONSAGRADA

Iha tinan 2001 Uniaun Superiór Jerál Mane sira-nian (USG) no Internasionál Uniaun Superiór Jerál Feto sira-nian (UISG) sente nesiedade atu organiza Kongresu. Liu ona tinan 10 husi Ezortasaun Apostólíka Vita Consecrata nune'e sente katak presiza Kongresu foun ida. Nia sei sai primeiru atu hala'o hamutuk (mane no feto) no primeiru Kongresu internasionál atu bele inklui presidente sira husi

FUNU MALIRIN/GUERRA FRIA

Nu'udar funu malirin istória hanaran konfliktu, inkom-prensaun, tensaun boot, ne'ebé mosu hafoin Funu Mundiál II, entre Osidente (Estados Unidos América nian ho nia nasaun belun sira) no Oriente ka bloku komunista (Uniaun Soviética no nia nasaun belun sira).

Tensaun ida ne'e dura maizumenus tinan 50 no maske nunka nakfila ba konfliktu militar diretu ida (bloku rua ne'e iha kilat nukleár ne'ebé se uza karik sei halakon planeta tomak), maibé buras iha área militar, espasu nian, ideolojia nian, psikolójika, teknolójika no desportu nian.

Faze ida ne'ebé krítiku no perigozu nian monu iha tinan limanulu no neennulu sira. Iha tinan walunulu sira, bloku rua ne'e hahú hamenus sira-nia armamentu nukleár.

REVOLUSAUN KULTURÁL IHA XINA

Revolusaun ida ne'e hahú ho Mao Zedong iha 1966, bainhira ema hasai nia husi Partidu Komunista Xina nian tanba hamriik hasoru laloran reforma nian, ne'ebé mosu iha partidu. Hamutuk ho sira ne'ebé suporta nia, nia buka atu aplika doutrina ne'ebé fila fali ho fidelidade boot ba hanoin ideolojia Marks no Lenin nian. Revolusaun ida ne'e bazeia ba foin-sa'e sira-nia movimento (hanaran Guarda mean) hasoru Partidu Komunista, tanba kontradisaun entre doutrina bé partidu haklaken no moris pesoál membru partidu nian, ne'ebé nakonu ho priviléjiu oioin. Mao Zedong sai ulun iha revolusaun ida ne'e. Konfliktu nakfila ba violénsia boot entre tinan 1966-1969. Revolusaun kulturál hotu ho Mao nia mate iha tinan 1976, bainhira ema boboot sira Partidu Komunista nian, ne'ebé uluk mak ukun, bele sa'e fali ba Partidu nia ulun. Revolusaun kulturál mak període violénsia, injustisa, larespeita direitu umanu sira-nian iha Xina.





KONSÍLIU VATIKANU II

Konsíliu Vatikanu II hahú, iha momentu bainhira moris relijiozu hala'o ninia dezenvolvimentu boot liu, tanba iha tempu ne'ebá: moris relijiozu mak prezente iha fatin misaun barak, iha eskola, iha saude, iha asisténsia sosiál, iha espiritualidade, iha sentru kulturál sira...

Maibé sente mós nesesidade atu klarifika fundamentu teolójiku Vida Konsagrada nian no ninia kontribusaun iha moris ekleziál tomak nian, tanbá estadu moris iha perfeisaun nian la'ós kriasaun Kreda nian, maibé mai husi Evanjellu, dehan katak husi Jezús, Fundadór Kreda nian, husi ninia doutrina no ezemplu moris nian. Tan ne'e maske lei gia vida konsagrada no nia depende ba Kreda, maibé hateke ba estadu moris iha perfeisaun nian nu'udar elementu ida ne'ebé aumenta de'it ba Kreda atu hariku no kompleta nia mak la dun loos. Iha ninia esénsia. Moris Konsagradu pertense ba Kreda nia estrutura no atu hatudu ida ne'e ho klaru liu, Komisaun Preparativa Relijiozu sira-nian husu atu tema ida ne'e hatama no diskute iha Konstituisaun dogmátika *Lumen Gentium*. Hanesan ne'e mosu ona Kapítulu VI De Religiosis, ne'ebé hatudu Moris Relijiozu nu'udar parte esensiál no espresaun importante husi Kreda nia moris no santidade; nu'udar sinál prezensa Kristu nia mistériu nian, ninia antisipasaun no realizasaun definitiva.

Dekretu Konsíliu *Perfectae Caritatis*, fó indikasaun ruma kona-ba renovaun prátika husi regra no estrutura sira Moris Relijiozu nian. Prinsípiu renovaun ida ne'e nian iha rua: fila fali ba bee matan institutu ida-idak nian no hafoun moris no misaun liuhusi, partesipasaun iha Kreda nia moris no koñesimentu kona-ba Kreda no mundu modernu sira-nia presiza (PC 2).

JOAUN PAULU II NIA MATE

Iha loron 2 fulan Abril 2005, Amo Papa Joun Paulu II, mate hafoin tinan 27 nu'udar Kreda-nia gia.



ELEISAUN CARD. JOSEPH RATZINGER BÉ SIMU NARAN BENTU XVI

Iha fulan Abril 2005 hili nu'udar Papa ba 265 Kreda Katólíka nian Card. Joseph Ratzinger, ne'ebé simu naran Bentu XVI. Nia mak Papa alemaun nian ba dala hitu iha istória Kreda Katólíka nian.

KRIZE MUNDIÁL EKONÓMIKA NO FINANSA NIAN

Krize ida ne'e hahú iha Estados Unidos hafoin iha fulan primeiru 2008 nian habelar ba mundu tomak. Entre buat ne'ebé provoka krize ida ne'e ema sura: matéria prima sira-nia folin boot, krize alimentár, inflasaun aas liu iha nivel mundiál.

Iha tinan 2008 petróliu, foos no trigu sira-nia folin aumenta maka'as liu (balun to'o 60%) hodi provoka estragu boot ba ekonomia no aumenta perigu hamlaha nian iha nasaun kiak sira. Aumenta folin matéria prima nian lori ba aumenta folin produsaun nian no sasán-rezultadu produsaun nian. Krize lori banku balun ba bankarrota, ema barak lakon servisu. Nasaun balun nia ekonomia monu, ezémpiu Grésia.

DESENVOLVIMENTU "SOCIAL NETWORK" NO "DIGITAL NATIVE"

Social network konsiste iha ema sira-nia grupu ne'ebé liga ba malu ho relasaun sosiál oioin, husi hatene malu baibain de'it to'o relasaun tanba servisu, ka família. Nune'e loloos rede sosiál mak rede fíziku, rede entre ema: comunidade ema servisu-na'in sira, ne'ebé hasoru malu iha grupu oioin hafoin tempu servisu nian. Rede sosiál seluk mak: grupu desportu nian, grupu relijiaun nian.



Ema konsagrada nia moris mak bolun ida atu la para buka Maromak no Ninia hakarak, hodi hatene katak Maromak sei la husik sira ne'ebé saran an ba Nia liuhusi obediénsia ba maun-alin sira ne'ebé simu knaar autoridade nian. Iha sira, ita tenke rekoñese sinál prezensa no mediasaun Aman nia hakarak.

Ho hahalok obediénsia nian, ita moris mai iha mundu no ho hahalok obediénsia nian ida tan, ita sei remata dalan moris nian, nu'udar espresaun saran-an tomak nian ba Aman nia Domin, ne'ebé hakarak ita hetan ksolok ho Nia no iha Nia.



KAPÍTULU JERÁL XXII

Iha 2002 Instituto hala'o KJ XXII ho tema: "Hamutuk iha komuñau, tuir dalan sidadania evanjelika nian". Kapítulu ida ne'e iha visaun ida: komuñau, no estratejia ida: dixernimentu.

PROJETU FORMATIVU "KUDA ABUT IHA ALIANSA"

Iha 2000 Institutu publika ninia Projetu Formativu foun, "Kuda abut iha aliansa", ne'ebé prepara hodi envolve FMA sira husi Inspetoria oin-oin.

Projetu ida ne'e deskobre fali karizma-nia abut bibliku no Maromak-Nia Futar Lia nia importánsia. Nia konsidera vida relijioza nu'udar sinál aliansa nian ho Maromak no propoin formasaun nu'udar prosesu permanente ne'ebé realiza iha comunidade fraterna ida nia laran, iha tempu lahanesan tuir idade.

Hatudu estratejia tolu:

- Formasaun permanente
- Dimensaun vokasionál misaun edukativa nian
- Kordenasaun ba komuñau iha estilu animasaun nian

MOVIMENTU EMANSIPASAUN ESTUDENTE SIRA-NIAN/KONTESTASA



Kontestasaun ida ne'e habelar iha mundu tomak, ninia "funubaluk jerál" sai "autoridade". Iha eskola, eskolante sira kontesta professor sira, kultura no sistema skolár. Iha fábrica, badain sira kontesta organizaun servisu nian no ideolojia kapitalista. Iha família laran, oan lakohi simu parente sira-nia autoridade. Hamutuk ho kontestasaun ida ne'e la'o mós grupu sira ne'ebé hamriik hasoru diskriminasaun tanba jéneru no rasa. Objetivu movimentu sira ne'e nian, mak atu organiza fali sociedade bazeia ba igualdade, hadi'a política, elimina opresaun sosiál no diskriminasaun tanba rasa ka jéneru, hapara funu hotu. Husi tinan 1967 estudante sira iha Universidade iha nasaun barak hahú protesta ne'ebé dala ruma nakfila ba violénsia no la'o hasouru governu sira.

Iha Estados Unidos mosu grupu hanaran Hippy, dehan katak "ai-funan nia oan sira", tanba sira uza ai-funan nu'udar "kilat". Sira hatais ho maneira estraña no uza droga.

Hippy protesta liu hasoru funu iha Vietnam no diskriminasun tanba kulit nia kor.

MOVIMENTU EMANSIPASAUN FETO NIAN-FEMINIZMU

Bainhira feminizmu hahú, nia luta hodi defende fetu nia direitu sira iha lei, ekonomia, no politika nia oin no mós hasoru violénsia seksuál. Sira husu atu fetu sira, hanesan mane sira, iha direitu ba servisu no ba votasaun. Faze kontestasaun nian hahú iha 1968. Feto feminista sira tun ba dalan hodi halo mundu rona sira-nia lian. Sira husu atu muda kultura hodi fó ba fetu sira liberdade atu ukun sira-nia moris, hahú husi sira-nia isin no seksualidade. Iha tinan 1980 hahú faze propozitiva, dehan katak feminizmu ida ne'e buka atu propoin realidade umana la'ós nu'udar "**ida hasoru ida seluk**" ka jéneru ida hasoru ida seluk, maibé **nu'udar resiprosidade nian**: ida nu'udar ida seluk nia parte.



INDEPENDÉNSIA NASAUN BALUN IHA ÁFRIKA NO ÁZIA NIAN

Independénsia iha nasaun balun Áfrika no Ázia nian hahú iha tempu Funu Mundiál II, maibé parte boot liu hetan liberdade entre tinan 1945 no 1960. Ikusmai iha tinan sira neennulu no hitunulu nia laran nasaun sira ne'ebé sékulu barak moris iha dominsau koloniál Portugál nian manán independénsia. Foin-sa'e afrikanu ka aziátiku ne'ebé husi família riku bele estuda iha universidade sira Europa nian. No sira sai konxiénte kona-ba injustisa ne'ebé nasaun koloniza sira halo. Bainhira fila ba sira-nia rai sira hahú hafunu ba liberdade. Moris mai grupu polítiku oioin ne'ebé sei lori ba independénsia.

Tanba ne'e mak tempu **funu malirin** nian, tan ne'e nasaun independente foun, fraku iha sira-nia ekonómia, hahú atu depende ba bloku rua: Estados Unidos ka Uniaun Soviética. Independénsia ne'ebé nasaun sira ne'e hetan la remata sira-nia problema: iha fatin barak kontinua violénsia, kiak rabat-rai no funu sivíl oioin. Nasaun sira ne'ebé hetan influénsia husi Uniaun Soviética hahú hatama ideolojia marksizmu-leninizmu nian (Mosambike, Angola, Vietname, Kamboja, seluk tan).

DITATURA SIRA IHA NASAUN BALUN AMÉRIKA LATINA, ÁFRIKA NO ÁZIA NIAN

Ditatura iha nasaun balun América Latina, Áfrika no Ázia nian mak baibain ditatura militar nian, dehan katak militar sira mak ukun ka dala ruma governu sivíl ida ne'ebé hetan influénsia maka'as husi boboot militar nian. Iha Médiu Oriente no iha Áfrika dala barak governu militar hetan kontrolu forte husi ema ukun-na'in ida (ditatór), dehan katak governu hela iha ema ida nia liman de'it.

Iha América Latina ditatór sira justifika sira-nia poder ho hakarak atu lori ba estabilidade política ka atu defende sira-nia nasaun husi “perigu ideolojia nian”, hanesan komunizmu ka kapitalizmu.

Baibain ditatura sira la respeita ema nia direitu sira hodi uza metodu naran de'it atu haka'as sira ne'ebé hakarak kontra sira, tur nonok de'it.

MILÉNIU FOUN



Iha tinan 2002 sai dokumentu Kongregasaun ba Institutu moris relijiu ozu nian no ba sosiedade moris apostóliku nian “Hahú fali husi Kristu” (Ripartire da Cristo) nu'udar resposta ba Amu Papa Joaun Paulu II nia konvite atu “Duc in altum”. Dokumentu konvida atu Vida Konsagrada orienta an ba espiritualidade.

Primeira parte rekoñese dalan purifikasaun, komuniau, misaun no hakle'an nian ne'ebé Vida Konsagrada hala'o ona iha tinan hirak ne'e nia laran. Iha parte daruak dokumentu bolu ema konsagrada sira atu ho aten-barani bá hasoru dezafiu sira no prova oioin ho vizaun fiar nian no ho laran-metin iha Maromak nia grasa ne'ebé hatudu an iha frakeza (2 Kor 12,9).

Dokumentu indika dezafiu balun: falta qualidade iha moris espirituál, moris iha nivel ema riku nian, mentalidade konsumizmu nian, tentasaun ativizmu nian, projetu pesoál sira ne'ebé sai importante liufali projetu comunidade nian (n.12). Dezafiu sira ne'e bolu ba moris pesoál ne'ebé kle'an liu no ba renovaun auténtika membru institutu sira-nian liuhusi formasaun.

Iha tinan 2008 Kongregasaun ba Institutu moris relijiu ozu nian no ba sosiedade moris apostóliku nian publika dokumentu seluk “Knaar autoridade nian no obediénsia”. Obediénsia no autoridade posui relasaun partikulár ho Na'i Jezús, Atan obediente. Dokumentu hakarak ajuda autoridade: iha ninia knaar ne'ebé hala'o ba ema ida-idak; iha konstrusaun comunidade fraternál sira; iha moris hamutuk ba misaun komún. Obediénsia dehan katak “see tilun”, dehan katak atitude oan nian “oan, rona bá” (Pr 1,8); nia mak obediénsia ba Maromak lihusi mediasaun umanu.

Konsagradu ida-idak tenke buka Maromak nia hakarak ho sinseridade. Autoridade mak ajuda iha peskiza ida ne'e. Dokumentu hatudu ba autoridade prioridade balun: autoridade tenke sai autoridade espirituál, nia tenke garante tempu no qualidade orasaun nian ba comunidade, tenke promove dignidade ema ida-idak nian, fó aten-barani no esperansa iha momentu difikuldade nian, tenke haburas karizma no sentidu domin ba Kreda, tenke akompaña dalan formasaun permanente nian. Autoridade tenke serbí comunidade, haburas fraternidade no koordina enerjia sira bé uza ba misaun.

ATAKA BA “WORLD TRADE CENTER” NO LUTA HASORU TERORIZME.

World Trade Center iha Novaiorke iha Estados Unidos mak edifísiu hitu ne'ebé hamriik iha Manhattan, ne'ebé sai famozu tanba Twin Towers, dehan katak “torre kaduak”, ne'ebé aas liu (110 andar ho 415 m) no estraga iha loron 11 fulan setembru 2001. Iha loron ne'ebá terorista sira halo aviaun rua xoke torre rua ne'e hodi provoka ahi sunu no hamonu andar sira. Vítima sira ne'ebé mate iha Torre no mós iha aviaun mak hamutuk ema 2.749. Tanba ahi no tanba edifísiu hitu ne'e liga ba malu, estrutura tomak World Trade Center mohu.

Loron tuir hafoin ataku ida ne'e, Prezidente George W. Bush uza espresaun “funu hasoru Terorizme”, nu'udar programa ida ne'ebé Estados Unidos sei hala'o atu lori demokrasia iha mundu tomak maske presiza liuhusi funu ida, ne'ebé tuir ninia hanoin mak maneira úniku atu halakon terorizme. Prezidente anunsia funu susar no naruk hasoru terorizme, to'o tinan 30.

Hanesan prezidente hateten nune'e mós halo hodi hahú funu hasoru Afganistaun (outubru 2011), iha ne'ebé AlQaida hetan ninia baze.

AUMENTA FENÓMENU MOBILIDADE UMANA NIAN

Mobilidade umana mak antiga liu, maibé iha tempu modernu to'o dimensaun boot liu, tanba desenvolvimentu meu transporte no komunikaun nian. Mobilidade ida ne'e bele akontese iha nasaun ida nia laran ka entre nasaun rua. Buat ne'ebé dudu ema atu muda fatin moris nian mak:

- falta oportunidade ba futuro ne'ebé di'ak liu
- kondisaun moris nian ne'ebé la di'ak
- ekonomia ne'ebé fraku
- servisu la iha
- estraga strutura sosiál tradisionál
- la iha estabilidade polítika
- violasaun direitu umanu sira
- modernizasaun

Estadu balun ne'ebé hetan ditatura iha tinan 1966-1984 mak entre sira seluk: África: Arjélia (bah. Ind. Algeria), Burundí, Rep. Kongu, Etiópia, Sudaun, Uganda. América Latina: Arjentina, Brazil, Xile, Guatemala, Haití, Panamá, Paraguai, Venezuela, Perú. Ázia: Bangladéx, Filipinas, Indonézia, Pakistaun, Tailândia.

PONTIFIKADU PAULO VI, JOAUN PAULO I NO JOAUN PAULO II

Iha període 1964-1984 Kreda Katólíka iha Papa tolu. Primeiru mak Papa Paulu VI, ne'ebé hili iha 1963 to'o 1978. Nia mak papa ba dala 262 iha Kreda. Hafoin amo Papa Joaun XXIII mate, Paulu VI tenke lori ba rohan Consillu Vatikanu II.

Hafoin Paulu VI mate, hili nu'udar Papa Joaun Paulu I, iha agostu 1978. Ninia pontifikadu mak badak liu tanba nia mate liu de'it loron 33 nia laran. Ema hanoin nia nu'udar “papa bé hamnasa”.

Iha fulan Outubru 1978, hafoin Joaun Paulu I nia mate, hili bispu Roma nian ba 264, dehan katak Joaun Paulu II. Primeiru Papa la'ós ema Italia hafoin liu tiha tinan 455.

MOVIMENTU DEMOKRATIZASAUN IHA NASAUN AMÉRICA LATINA, ÁFRICA NO ÁZIA NIAN

Iha nasaun América Latina, África no Ázia nian hahú aumenta lian bé bolu ba liberdade no demokratizasaun. Grupu oioin sosiedade nian: leigu sira, relijiozu sira, eskerda ka direita nian, matenek sira no ema simples sira husu atu bele partisipa iha política no poder, husu atu respéita direitu umanu sira. Hafoin dekolonizasaun nasaun sira sai konxiénte kona-ba valór demokrasia nian. Maibé tanba interese privadu grupu oioin ka pesoál nian, dala barak mehi kona-ba demokrasia la realiza ka tahan ba tempu badak de'it. Influénsia boot ba problema ida ne'e mai mós husi funu malirin ne'ebé kontinua iha períodu ida ne'ebá. Ita haree ba ezemplu ne'bé foti husi nasaun América balun.

Iha 1979 iha Nikarágua koalizaun bé hanaran Fronte Sandinista ho ispirasaun socialista hamonu ditatura militar Anastázio Somoza nian. Maibé hetan forte opozisaun husi Estados Unidos América nian, ne'ebé halo boikotajen ekonómiku ba Nikarágua. Maske nune'e eleisaun prezidensiál iha 1984 manán Daniel Ortega kandidatu eskerda nian.



Iha Arjentina luta ba demokratizasaun hetan dalan naruk mós. Hafoin Prezidente Perón nia mate ninia feen Estela Martinez (Izabelita) sa'e hodi hafunu hasoru movimentu sira opozisaun nian hodi ukun ho estilu autoritáriu. Iha 1976 ninia governu monu iha militar sira-nia liman, hahú fali ditatura seluk, ditatura militár, ne'ebé hotu iha tinan 1982.

Iha Xile governu Unidad Populár ne'ebé gia Allende iha tinan 1970-73 lori ba modelu demokratizasaun nian úniku iha Amérika Latina, bé luta hasoru ekonomia ne'ebé atrazadu liu. Maibé prosesu ida ne'e hapara ho golpe jendrál Pinochet nian, ne'ebé lori fali Xile ba ditatura militár. Iha Bolívia husi tinan 1964 ditatura oioin troka malu to'o tinan 1982 bainhira Silez Suazu harii governu ho tendénsia demokrátika.

Iha Ázia idea sira demokrasia la la'o ho fasil. Nasaun sira ho influénsia forte konfuzionizme nian fiar katak direitu sira grupu nian mak importante liu fali ema individuál nian, ukun-na'in sira nian importante liu fali liberdade, no knaar importante liufali direitu sira. Tan ne'e iha tempu ne'ebá iha Japaun no Koreia Sul de'it mak idea demokrátika sira bele hetan fatin atu buras. Entre nasaun Ázia, Koreia Sul bele konsidera nu'udar ezemplu demokratizasaun nian ne'ebé fó rezultadu di'ak. Movimentu ba demokratizasaun hetan apoiu husi movimentu populár ne'ebé moris atu bá kontra ditatura militár iha tinan 1980-1996.

Iha nasaun islam sira-nian, lei hotu-hotu nia baze mak Koran, ulama sira tenke partisipa iha governu nia desizaun sira. Tan ne'e iha Pakistaun de'it dala ruma governu militár sira troka malu ho eleisaun demokrátiku sira, maibé governu sira ne'e la tahan kleur. Nasaun seluk ne'ebé ho relijiaun islam nu'udar maioria, susar atu hahú prosesu demokratizasaun nian.

Iha Áfrika prosesu ida ne'e hetan impedimentu husi luta entre Estados Unidos no Uniaun Soviética, bé buka atu kontrola nasaun sira ne'ebé foin manán independénsia atu nune'e bele aprovieta sira-nia rikusoin sira. Nasaun boot rua ne'e suporta ema sira ne'ebé fasil atu bele manipula, nu'udar nasaun afrikana sira-nia presidente. Tan ne'e Áfrika hetan nu'udar ukun-na'in sira ema kasar, psikopátiku, laho valór morál ida. Ezemplu mak Mobutu iha Kongu. Ita bele hateten katak iha tempu ne'ebá Amérika no Uniaun Soviética nia política hasoru nasaun Áfrika nian la buka Áfrika nia di'ak maibé sira-nia vantajen rasik hodi la ajuda atu desenvolve demokrasia iha nasaun sira ne'e.

DOKUMENTU SIRA



Iha 1995, ambitu Formasaun nian apresenta dokumentu *Dixerne no akompañia* kona-na oinsá simu iha Instituto no ba oin iha faze formativa sira.

Dokumentu ida ne'e iha objetivu tolu:

- haboot, kompleta no integra kriteria no norma sira atu simu menina sira no atu halo dixernimentu vokasionál.
- aumenta buat ne'ebé iha ona iha dokumentu sira Institutu nian ho orientasaun no indikasaun sira ne'ebé konkretu liu
- adata ba realidade ohin-loron nian no ba Kreda-nia orientasaun sira.

Iha 1996 Institutu fó sai Rituál FMA nian ba Profisaun Relijioza.

Rituál ida ne'e mak simples no esensiál, uza linguajen ida ne'ebé simu inspirasaun husi mistériu liturjiku, no hakerek mós aspetu pedagójiku ruma.

Karakterística significativa liu katak vokasaun mak resposta pessoal no graduál ba Maromak-Nia bolun no empenhu espesifiku ba tapa ida-idak dalan formasaun nian.



- b) Konsellu evanjéliku hetan naroman husi leitura trinitária nian, tanba Vida Konsagrada mak espresaun Trindade nian. Konsellu evanjéliku kona realidade íntimu Vida Konsagrada nian tanba relasaun espesiál ne'ebé konsellu harii ho Pessoa Divina sira. Kontemplasaun kona-ba Kristu nia moris hatama ema iha mistériu trinitáriu iha ne'ebé bele deskobre konsellu sira-nia abut.
- c) Misaun nia importánsia halo ita hanoin fali kona-ba estrutura Vida Konsagrada nian. Adata an ba misaun dehan katak hanoin ho maneira foun kona-ba Vida Konsagrada nia forma oioin. Vida Konsagrada nia misaun mak kontinuasaun konsagrasaun ba Maromak nian no espresaun konsagrasaun ba maun-alin sira-nian. Misaun tenke konfronta an nafatin ho dezafiu sira ne'ebé tempu agora lori ona hodi simu nia lahó ta'uk, maibé hodi hatán ba dezafiu liuhusi “fidelidade dinámika” ba misaun espesífika.
- Dokumentu Vita Consecrata sai instrumentu animasaun Vida Konsagrada nian no tenke estuda no apresia nia.



KAPÍTULU JERÁL NO MADRE JERÁL

Iha 1996 hala'o KJ XX ho tema: “*Ha'u entrega sira ba ó husi jerasaun ba jerasaun*. Komuidade feto sira nian ne'ebé nia hun mak Kristu atu hala'o misaun edukativa inkulturada ida”.

Kapítulu ida ne'e entrega knaar ba konsellu Jerál atu elabora fali Projeitu Formativu.

Durante Kapítulu FMA sira hili **Madre Antonia Colombo** nu'udar Madre Jerál (1996-2008).

REPÚBLIKA ISLAM IHA NASAUN BALUN ÁZIA NIAN



Iha nasaun sira ne'e lei nia abut mak lei relijaun islam nian no governo depende ba relijiozu musulmanu sira. Entre nasaun sira ne'ebé iha període ne'ebá hahú moris nu'udar Repúblika Islam nian ita sura Iran, iha ne'ebé hafoin Revolusaun iha 1979, sa'e ba poder Ayatollah Khomeini. Repúblika Islam seluk mak Pakistaun ne'ebé simu naran ida ne'e iha tinan 1956 no Afganistaun iha tinan 2001 de'it. Maske Pakistaun hatama ba Konstituisaun naran, “Repúblika Islam”, sedu liu, maibé loloos foin iha tinan 1973 hahú deklarar relijaun nu'udar baze ida ba lei. Iha Repúblika Islam nian, lei la bele la'o bá hasoru Koranu ka doutrina islam nian.

HAHÚ REFLESAUN KONA-BA BIOÉTIKA

Fekondasaun asistita ka artifisiál mak prosesu ida ne'ebé lori ba uniaun gameta sira (sémen/espermatozóidu no óvulu) ho maneira artifisiál (la'ós natural) hodi uza mikroskópiu. Ko'alia kona-ba fekondasaun omóloga bainhira gameta sira mai husi mane no feto ne'ebé sai labarik nia inan aman. Fekondasaun eterologa mak fekondasaun bainhira gameta ida mai husi ema seluk la'ós mane ka feto ne'ebé sei hakiak labarik ida ne'e. Tan ne'e mosu banku sémen nian ne'ebé konserva espermatozóidu sira atu bele uza bainhira iha kabena'in sira ne'ebé hakarak hetan oan, maibé ida husi sira iha problema fertilidade nian.

Embriaun ka gameta sira preservadu kria problema étiku. Primeiru tanba sira nia número boot liu fali presiza nune'e iha tinan ruma balun tenke soe de'it. Ba ema ne'ebé fiar katak embriaun mak moris foun ida, kriatura foun ida, prosedur ida ne'e konsidera nu'udar hahalok hasoru moris no hasoru direitu ema nian. Embriaun sira ne'e tenke konsidera nu'udar pesoa ida.

TEKNOLOJIA INFORMÁTICA NIAN

Liafuan “informátika” mai husi lian fransés, hodi tau hamutuk liafuan ruma inform(ation electronique ou autom)atique ne'ebé primeira vez uza iha tinan neenulu sira atu hatudu ba informasaun ne'ebé mai ho



maneira automatiku liuhusi kalkuladór. Iha lian ingles la uza liafuan informátika maibé, “computer science”. Buat hotu hahú ho kalkuladór tanba ninia kapasidade barak atu organiza, elab-ora datus oioin.

Mosu liafuan/linguajen foun:

- Hardware: iha sentidu jerál nu’udar meiu/instrumentu ida, dehan katak buat hotu ita bele haree ho matan: mouse, hard disk, CPU...
- Software: iha sentidu jerál instrusaun ne’ebé fó ba mákina ida, instrumentu ida: sistema operativu no programa.

Iha tinan neenulu kalkuladora eletrónika sai instrumentu ida komún. Iha tinan hitunulu mosu ona komputador pesoál sira. Iha tinan walunulu hahú uza floppy disks. Iha tinan neenulu mós hahú telemátika, dehan katak rede entre komputadór sira iha fatin ne’ebé dook husi malu. Ema siénsia no peskizadór bele ona troka informasaun sira hodi ida-idak uza sira-nia adres eletróniku. Ita bele dehan katak hanesan ne’e moris mai mundu internét nian. To’o iha tinan 1993 hahú

CEDAW - KONVENSAUN ATU ELIMINA FORMA DISKRIMINASUN HOTU HASORU FETO.

Nasaun Unidus simu konvensaun ida ne’e iha tinan 1979. Nia mak hanesan lei internasionál ba feto sira-nia direitu. Konvensaun konsiste ho preámbulu no artigu 30 hodi fó definisaun kona-ba saida mak ita bele hanaran nu’udar diskriminasaun hasoru feto sira. Nia mós fó indikasaun programa nian kona-ba asaun internasionál ne’ebé tenke atua atu hapara diskriminasaun ida ne’e.

Governu sira ne’ebé simu Konvensaun ida ne’e hetan knaar atu:

- Halakon lei hotu ne’ebé diskrimina feto iha sistema juridiku nasaun ida nian
 - Elabora lei sira ne’ebé difende feto sira-nia direitu
 - Harii instituisaun sira atu fó garantia hodi proteje feto sira
 - Asegura katak sei elimina hahalok hotu hasoru feto ne’ebé mai husi ema, organizasaun ka impreza sira
- Konvensaun mak baze ida atu bele fó oportunidade hanesan ba feto no mane iha moris públiku no polítiku, ba edukasaun, ba defeza

- Dokumentu uza ikona Transfigurasaun Kristu nian: Nia ho Ninia kmo’ok manán sira ne’ebé hetan grasa atu kontempla Ninia transfigurasaun. Vokasaun moris husi sedusaun/sadik divina ne’ebé mai husi kontemplasaun “Ida ne’ebé kmo’ok liu entre mane sira hotu”. Moris espirituál hetan inspirasaun husi domin ba buat ne’ebé kmo’ok, ne’ebé transforma/nakfila ezisténsia. Ikona seluk ne’ebé ezortasaun uza mak: figura rua, Pedro no Maria, kose ho mina morin iha Betânia nian.
- espiritualidade komunian nian domina parte daruak dokumentu nian, iha ne’ebé bele sente influénsia dokumentu kona-ba moris fraternál iha comunidade nian. Ba Vida Konsagrada saran responsabilidade atu sai iha Kreda-komuniaun nia leet “sinál fraternidade nian (signum fraternitatis).
- eskema ekleziolójiku mak aspetu foun ida: Kreda mak mistériu ida ne’ebé mai husi Trindade. Nia mak komunian, fraternidade, no servisu ba Maromak nia Domin. Dokumentu fahe ba parte tolu: Vida Konsagrada no Trindade, Sinál fraternidade nian no Servisu karidade nian, maibé iha buat hirak ne’e hotu buka buat ida de’it: “konsagrasaun totál” ba Maromak, ne’ebé bele haree liuhusi konsellu evanjéliku, liuliu husi castidade konsagrada.



Puntu teolójiku prinsipál nian

- Problema teolójiku prinsipál, ne’ebé dokumentu hakarak hatán mak: identidade Vida Konsagrada nian no estadu moris sira seluk iha Kreda. Resposta mak klaru, katak estadu moris nian iha Kreda mak tolu: **leigu-konsagradu** iha Batismu ba moris evanjéliku iha mundu; **ministru ordinadu** sira, hafoin konsagrasaun iha Batismu, simu tan konsagrasaun iha sakramentu ordem atu kontinua iha tempu ministériu apostóliku; **ema konsagrada** sira, ne’ebé hodi simu konsellu evanjéliku, sira simu “konsagrasaun foun no espezial” ida atu fó “isin” no hatudu Kristu nia maneira moris nian. Estadu moris nian tolu ne’e mak manifestasaun aspetu balun husi Kristu nia mistériu. Leigu, nu’udar karakterístika hetan sekolaridade, kleru nia karakterístika mak raprezentasaun Kristu-Ulun no Bibi Atan Kreda nian, no ema konsagradu sira simu karakterístika sequela Kristu virjén, pobre no obediénte nian, ne’ebé saran an ba “sasán Maromak nian” no ba ema hotu nia salvasaun.



dokumentu *Moris fraternál iha comunidade*, nu'udar resposta ba difikuldade sira ne'ebé hasoru iha prosesu renovasaun comunidade sira-nian.

Ko'alia tiha kona-ba situasaun kulturál, sosiál no ekleziál ne'ebé ameasa moris komunitáriu, testu deklara katak: "iha situasaun foun sira-nia naroman, dokumentu nia objetivu mak atu sustenta esforsu ne'ebé comunidade relijiozu barak halo atu hadi'a qualidade moris fraternál nian. Sei halo ida ne'e husi oferse kritéria dixernimentu balun atu ajuda renovasaun evanjélica ne'ebé auténtika. Dokumentu hakarak mós ofere tema reflesaun ruma nian ba sira ne'ebé hadook an husi moris comunidade nian, atu sira bele deskobre fila fali nesesidade moris fraternál nian bainhira sira konsagra an tiha ona ba Na'i, iha institutu relijiozu ruma ka hola parte ona iha sociedade vida apostólika ruma nia laran (n.6).

Iha tinan 1994 hala'o Sínodu Bispu sira-nian kona-ba Vida Konsagrada ho tema *Vida Konsagrada no ninia misaun iha Kreda no mundu*. Bruno Secondin komenta akontezimentu Sínodu nian hanesan ne'e: "Sínodu ajuda mai ita atu mehi kona-ba vida konsagrada ne'ebé koloka ninia an besik liu povu duke amlulik sira, besik liu sira ne'ebé moris dook husi sentru, besik liu Maromak Futar Lia ne'ebé rona no selebra, kona-ba vida konsagrada profétika liu no ida ne'ebé loke an ba esperansa no ba diálogu".

Nu'udar rezultadu Sínodu nian Amu Papa publika ezortasaun apostólika "Vida Konsagrada" (1996).

EZORTASAUN APOSTÓLIKA "VIDA KONSAGRADA"

Iha loron 25 fulan marsu 1996, Joaun Paulu II publika ezortasun post-sinodál "Vita Consecrata", nu'udar konkluziun sínodu kona-ba Vida Konsagrada no ninia misaun iha Kreda no mundu.

Opsaun fundamentál dokumentu nian:

- a. dokumentu ofere identidade klara ba vida konsagrada. Ninia inspiraun mak kristolójika. Vida konsagrada nia identidade hako'ak "Kristu nia maneira moris nian" (LG 44).
- b. doutrina mak síntese tradisaun espirituál no teolójika vida konsagrada nian.
- c. vida konsagrada hatama ona iha mundu beleza divina nian.

saude nian, ba servisu.

Nasaun sira ne'ebé ratifika Konvensaun hetan an iha lei nia ukun atu tau iha prátika buat ne'ebé Konvensaun haruka.



LEI BA ABORTU NO DIVÓRSIU

Iha tinan 1920 Unione Soviética legaliza nu'udar nasaun priméria aborto. Iha tinan 1948 aborto legaliza ona iha Japaun, hafoin iha tinan 1955 Uniaun Soviética obriga nasaun komunista sira seluk atu fó lisensa la limitada ba aborto iha sira-nia rai. Maibé hafoin 1966 nasaun barak seluk hahú hatama direitu ba abortu iha sira-nia Lei: Inglaterra 1967; Kanadá 1969, Estados Unidus 1973; hafoin Fransa, Áustria, Itália, Olanda, Béljika.

Tinan entre 1966 no 1984 mak tinan ne'ebé iha nasaun barak hasai lei ne'ebé permite divórsiu. Primeiru mak Kanadá no Estados Unidus hafoin Inglaterra no Brazil.

FAZE HAFIN KONSÍLIU NIAN

TINAN HITUNULU SIRA: LARAN-MANAS KONA-BA RENOVASAUN

Vida Konsagrada hahú kedas dalan renovasaun nian no iha Kongregasaun barak hahú prosesu renovasaun ba Konstituisaun, ne'ebé ajuda membru sira atu deskobre karizma rasik nia hun.

Tinan enseramentu Konsíliu nian monu ba període ne'ebé marka ho mudansa forte sociedade osidentál nian. Sociedade hakat-liu husi ambiente relijiozu teoséntriku ba ambiente antropolójiku sekulár nian; husi sociedade ne'ebé presiza suporta ba sociedade autónoma ida; husi kultura ho valór objetivu sira ba kultura subjetivizmu nian.

Iha comunidade ekleziál mudansa sosiál no kulturál sira ne'e, la'o hamutuk ho renovasaun konsiliár nian no renovasaun Vida Konsagrada nian moris momentu entuziazmu boot nian no surpresa moruk boot sira: mosu konfliktu sira entre progresista sira no sira ne'ebé bolu tradicionalista. Període mudansa nian





ne'ebé atu hetan buat foun ruma tama iha perigu atu nakfila ba kontestasaun radikál no ba dezorientasaun. Iha situasaun ida ne'e Paulu VI intervén ho Ezortasaun Evangelica Testificatio (20 juñu 1971). Amu Papa ko'alia diretamente ba ema konsagradu sira hodi konferma no fó aten-barani, orienta no dudu, atu sira la husik dúvida no difikuldade lori sira ba dalan sala, ka ba komprensaun naturalista demais, maibé atu sira bele deskobre kbiit no buat foun iha Evanjellu hodi sai sasin loos iha mundu modernu.

TINAN HITUNULU SIRA: ABERTURA BA KREDA NO SOSIEDADE NIA PROBLEMA SIRA

Iha Kreda hafoin Konsíliu subliña maka'as importánsia ba Maromak nia povu, nu'udar sujeitu ekleziál no nu'udar fatin iha ne'ebé diferénsia sira besik atu lakon. Gosta liu buat hotu ne'ebé mai husi kraik, husi mundu laikál no komunitáriu nian.

Iha Vida Konsagrada mosu krize obra sira nian no apresiasaun ba atividade tradisionál sira sai menus. Hahú atu fó valór ba spesialisasaun no knaar profesionál sira. Kreda lokál dada liu Vida Konsagrada tanba possibilidade barak kona-ba servisu apostóliku no sira ne'ebé lori gratifikasaun. Relijiozu barak husik Vida Konsagrada atu tama iha estadu laikál. Mosu movimentu ekleziál barak nu'udar espresaun karizma foun sira-nian. Sira-nia objetivu konkretu no pedagogia inisiasaun ne'ebé klaru nian dada relijiozu no leigu sira barak ne'ebé la sente hakmatek. Relijiozu barak hetan konfuzaun.

Iha kontestu ida ne'e mosu kontribusaun foun rua: teolojia foun karizma nian no teolojia moris konsagradu nian.

TEOLOJIA NO ESPIRITUALIDADE KARIZMA NIAN

Reflesaun kona-ba karizma hetan fundamentu iha teolojia fundadór Institutu nian hodi hariku no hakle'an nia ho elementu foun sira. Teolojia ida ne'e foti sa'e identidade kristolójiku no pneumatolójiku karizma institutu ida nian. Institutu hatudu an nu'udar projetu



komputer pesoál nian mak PC ho Windows. Lia-habadak "PC", dehan katak Personal Computer. Ne'e mak komputer ne'ebé hanoin ba ema ida nia presiza.

Momentu importante liu ba desenvolvimentu mak Internet, ne'ebé mai husi lia ingles: "International net". Internet mak rede komputadór sira ne'ebé servisu hodi bazeia ba Protokól Komunikaun nian TCP, dehan katak Transfer Control Protocol. Rede boot nian iha mundu hako'ak rede ki'ik rihun ba rihun. Rede ida ne'e mosu iha Estados Unidos husi rede ARPANET ne'ebé uza ba objetivu militar nian no husi rede NSFNET, ne'ebé uluk uza iha sentru Siénsia sira-nian. Agora husi rede rua ne'e ema hotu bele aproveita atu buka informasaun, programa sira no mós atu haruka email sira.

Iha tinan sianulu sira, hahú produsaun telefone movel nian ba komérsiu. Primeiru telefone hanesan ne'e konsege prodús iha 1956 iha Suésia nia empresa Ericsson no telefone ida ne'e nia todan to'o 40 kg, no ninia forma hanesan mala ida. Hafoin empresa Motorola iha Estados Unidos hahú prodús telefone movel Dyna ne'ebé la to'o kilu 1. Iha 1992 bele ona haruka sms primeriu. Ne'e sai momentu bainhira telefone movel nia moris, ho modelu oioin no sempre

SÍNODU VIDA KONSAGRADA NIAN



Iha osidente tinan hirak ne'e mak tinan bainhira hafanu fali sentidu relijiozu. Movimentu ekleziál sira satisfás foin-sa'e sira-nia presiza espirituál sira.

Ba Vida Konsagrada hahú preokupa kona-ba dimensaun numérika ne'ebé tun liu; hahú buka atu kolabora ho leigu sira; hahú ko'alia kona-ba refundasaun (halo fundasaun dala ida tan). Preokupa moris comunidade nian iha klima individualista nia leet. Iha 1994 Kongregasaun ba Institutu Vida Konsagrada no Sociedade Vida Apostóluka sira-nian publika



permite kazamentu entre omosesuál sira mak Dinamarka (1989). Iha tinan sianulu sira, nasaun barak mak tuir: Australia, Nova Zelanda, Izrael, RPA.

FENÓMENU GLOBALIZASAUN NIAN

Naran Globalizasaun mak hatudu ba aumenta relasaun no partilla iha nivel mundiál iha ámbitu oioin, ne'ebé halo hasoru malu ekonomia no kultura nasaun sira mundu nian. Iha ámbitu ekonomia nian, globalizasaun lori ba integrasaun komérsiu internasionál nian hodi provoka dependénsia nasaun ida ba seluk. Tuir ativista movimentu kontra-globál, globalizasaun lori perigu boot ba nasaun kiak sira iha ne'ebé poder hahú kaer multinasionál sira, ne'ebé lori sira-nia produsaun ba nasaun sira ne'e hodi la respeita direitu ema nian no selu kolen lahó justisa. Hanesan ne'e sira la lori benefisiu ba ema kiak sira ne'e no mós estraga ekonomia lokál. Globalizasaun provoka katak poder governu nian sai fraku hodi tama iha multinasionál sira-nia liman. Hanesan ne'e akontese mós ho rikusoin nasaun kiak sira-nian.

Ho globalizasaun ita hanoin mós kona-ba difuzaun informasaun sira no meu komunikaun sira-nian. Iha ámbitu kultura nian, globalizasaun hatudu ba relasaun entre kultura sira iha nivel pesoál no nivel nasional, dehan katak relasaun entre Estadu sira. Dala ruma ho naran ida ne'e hakarak hatudu mobilidade umanu ba període badak, hanesan turista sira ka ema bussines sira.

Globalizasaun bele hakanek tradisaun, lisan povu sira-nian hodi habelar festa povu ida nian no halakon festa lokál sira. Ezempiu mak festa "Halloween", ninia hun mak iha povu séltiku ne'ebé hafoin buras iha nasaun anglo-saxon nian, no ho globalizasaun sai populár iha nasaun barak. Buat hanesan akontese ho maneira atu hatais, ko'alia, ai-han no seluk tan.

TEKNOLOGIA KOMUNIKASAUN FOUN SIRA NO DESINVOLVIMENTU REDE INTERNET.

Iha tinan sianulu susesu boot hetan komputer klase PC ho sistema operasionál Windows ne'ebé Microsoft mak prodús. Agora 80%

karizmátiku ida ne'ebé moris husi Espíritu nia book tanba Kreda no sosiedade nia di'ak. Husi ne'e mosu nesiedade atu intensifika peskiza kona-ba institutu nia hun, kona-ba fundadór nia moris, kona-ba ninia espiritualidade no ninia karizma. Dokumentu *Mutuae Relationes* (1978) ne'ebé ko'alia kona-ba relasaun entre bispu sira no relijiozu sira, simu teolojia ida ne'ebé tuir prinsípiu rua: relijiozu sira tenke tama iha kreda lokál tuir sira ida-idak nia karizma (dehan katak bispu sira tenke tau matan no respeita karizma), no relijiozu sira tenke simu projetu pastorál Dioseze nian (dehan katak respeita bispu sira). Iha 1980 publika dokumentu rua husi Kongregasaun ba Institutu moris relijiozu nian no ba sosiedade moris apostóliku nian, ne'ebé ko'alia kona-ba relijiozu sira-nia knaar polítiku no sosiál nian: Relijiozu no promosaun umana (1978), no *Dimensaun kontemplativa moris relijiozu nian* (1980). Dokumentu sira ne'e hatudu katak relijiozu bele hatán ba realidade rua ne'e bainhira tau abut espirituál ne'ebé



TINAN WALUNULU SIRA: FILA FALI BA PROBLEMA PESOÁL NO INTERIÓR SIRA

Liu tiha tinan barak bainhira fó interese boot ba problema sosiál no justisa nian, osidente hahú fila fali ba buat ne'ebé privadu, ba problema sira kona-ba pesoa, ba dimensaun família nian. Dehan katak agora neoliberalizmu no individualizmu manán hasoru sosializmu, ne'ebé kompleta ho "Muru Berlinu" nia monu. Iha Kreda no Vida Konsagrada bele observa mós mudansa iha divizaun forsa nian: sekularizmu dezenvolve iha norte bainhira iha parte sul númeru relijiozu sira aumenta. Iha kultura buat hotu ne'ebé siénsia hanorin sai importante liu. Espiritualidade no psikolojia hafunu malu. Iha 1983 Kreda publika *Kódiku Lei Kanónika* nian, ne'ebé ko'alia kona-ba vida konsagrada (la'ós kona-ba moris relijiozu). Signifikadu espresaun "Vida Konsagrada" mak luan liu fali espresaun "moris relijiozu", tanba bele aplika mós ba institutu sekulár sira, ba eremita sira no maneira moris seluk nian tan.



KAPÍTULU JERÁL NO MADRE JERÁL SIRA

Durante tempu ida ne'e, Madre Jerál na'in tolu gia Institutu atu tuir dalan foun ne'ebé Kreda, liuhusi Konsíliu Vatikanu II, hatudu ba Institutu Relijiozu sira.

Madre Angela Vespa: (1957-1969) nia fó importánsia boot ba irmán sira nia formasaun profesionál no relijioza, no mós ba menina sira nia formasaun hodi organiza kongresu barak.

Madre Ersilia Canta: (1969-1981) nia hatene ekilibra abertura ba mundu foun no fidelidade ba karizma. Nia haka'as an atu lori fali FMA sira ba bee-matan karizma nian.

Madre Rosetta Marchese: (1981-1984) nia hametin espíritu família nian ho simplisidade, hodi tau matan ba formasaun direitora sira nian. Liuhusi ninia moras, Maromak hatudu importánsia santidade nian ba Institutu, la'ós de'it asaun pastorál nia kbiit.

Durante tinan hirak ne'e Institutu hala'o **Kapítulu Jerál tolu:**

1. KJ espeisial (1969) atu halo Konstituisaun-nia revisaun
2. KJ XVI (1975) ho tema "Ita-nia vokasaun nu'udar FMA", ne'ebé kontinua Konstituisaun-nia revisaun
3. KJ XVII (1981) atu halo redasaun finál Konstituisaun nian.

KONSTITUISAUN

Durante Kapítulu Jerál Espeisial (1969) FMA sira prepara Konstituisaun ad experimentum, hodi tuir Dokumentu sira Kreda nian *Perfectae Caritatis* no *Ecclesiae Sanctae*. Konstituisaun apresenta Institutu-nia espíritu tuir Konsíliu Vatikanu II nia visaun.

Durante Kapítulu Jerál XVI (1975) FMA sira estuda fali Konstituisaun ho atensaun no kle'an. Sira hakarak evidénsia liuliu:

- Espíritu Santu-Nia hahalok iha Institutu
- Karakteristika mariana
- Inserta iha Kreda

ÁFRIKA SUL NIA APARTHEID REMATA ONA



Hafoin Funu Mundiál II, iha 1948 elesaun iha Áfrika Sul National Party mak manán, ne'ebé hahú ukun ho forte segregasaun (haketak) tuir rasa, ne'ebé simu naran apartheid. Harii fatin sira espeisial ba ema kulit metan sira. Sira ne'ebé kontinua hela iha fatin ema mutin sira-nian (besik 50%) neineik lakon direitu sivíl sira. Opozisaun metan dala barak hili dalan violénsia nian, balun buka atu halo bojkotajen. Ema boot opozisaun nian, Nelson Mandela, hatama iha dadur.

Iha tinan sianulu sira aumenta konfliktu entre grupu étniku metan oioin. Podér apartheid hahú nakdoko. Nelson Mandela hetan liberdade no iha 1994 hala'o eleisaun demokrátiku. Nelson Mandela hili nu'udar presidente. Lian balun Áfrika Sul nian hatama iha lista lian ofisial nian hamutuk ho lian inglés. Maske apartheid monu no ema mutin no metan hetan igualdade iha lei nia oin, maibé kontinua injustisa ekonómika.

PRIMEIRU ESPERIMENTU SIRA HO KLONE EMBRIAUN UMANU NIAN

Klone umanu, dehan katak hakiak ema ida nia kopia ho jenétiku hanesan. Ema ne'ebé difende prátika ida ne'e hateten katak ho klone bele hetan sélula no orgaun isin umanu nian bé bele uza ba transplante iha medisina.

Sira ne'ebé lakohi aseita klone umanu hateten katak prosesu ida ne'e bele kria labarik ho moras oioin, ne'ebé la nota karik iha prova sira ne'ebé halo ona ho balada. Iha mós teze seluk hasoru klone umanu. Tuir ema siénsia balun ita halo klone husi sélula ema adultu nian, ne'ebé tama ona iha prosesu mudansa jenétiku nian, nune'e klone umanu bele hahoris dixendénsia ne'ebé fraku ona.

Kreda Katólíka kondena prátika klonu umanu nian, tanba ofende dignidade ema nian no igualdade ema ida-ida nian. Relijiaun islam mós bandu klone umanu.

ASOSIASAUN SIRA ULUK NIAN BA DIREITU EMA OMOSESUÁL SIRA.

Grupu uluk nian ne'ebé luta ba direitu sira ba ema omosesuál hahú iha tinan neenulu sira. Maibé iha tinan 1990 WHO hasai omosesualizmu husi lista moras oioin nian. Nasaun primeira ne'ebé



Ruanda: Konfliktu hahú iha tinan 1994 entre grupu étniku rua: Hutu 89% no Tutsi 9%. Ruanda mak kolónia Béljika no Alemánia nian, iha tempu kolonizadór sira-nian hahú ona konfliktu sira entre grupu rua ne'e. Tutsi maske uitoan maibé hetan konfiansa husi nasaun kolonizadora, ne'ebé konsidera sira nu'udar matenek liu no sinseru liu duke hutu sira, ne'ebé tenke moris nu'udar klase baixa. Hafoin Funu Mundiál I hahú ona konfliktu sira entre Tutsi no Hutu.

Bainhira hahú dekolonizasaun tutsi organiza an atu hetan indepenénsia tan ne'e kolonizadór sira uza fali hutu atu hapara tutsi sira-nia projetu. Hafoin independénsia hutu oho tutsi barak, sira la hetan possibilidade atu estuda iha universidade sira, atu hetan kargu iha governu ka servisu importante seluk. Maske nune'e tutsi no hutu kaben mós ho malu no buka atu kolabora. Husi tinan 1973 ditatór Habyarimana mak ukun Ruanda, tan ne'e mosu grupu opozisaun oioin entre tutsi maibé mós hamutuk ho hutu ne'ebé lakohi aseita ditatura. Iha fulan Abril 1994 presidente nia aviaun hamonu. Iha akontezimentu ida ne'e mate mós presidente Burundí. Ladún klaru sé mak provoka dezastre ida ne'e, ema hanoin katak presidente nia kolaboradór sira rasik mak halo tanba ta'uk hamenus sira-nia priviléjiu.

Momentu ida ne'e hamosu "limpeza étnika" boot ida, iha ne'ebé la falta mós sala no suporta husi nasaun Europa, Béljika no Fransa nian no mós Estadus Unidus nian ne'ebé buka atu hetan profitu husi rikusoin rai ne'e nian.

Soldadu presidente nian hahú violénsia hasoru opozisaun hutu no hasoru tutsi. Konfliktu lori ba masakre, maizumenu ema na'in 1 000 000.

NASAUN FOUN IHA EUROPA LESTE

Iha 1991 Uniaun Soviética para atu eziste. Borys Yelsyn sai presidente foun no hamutuk ho presidente Ukrânia nian no Bielorusia nian sira harii Komunidade Nasaun Independente nian. Iha 1994 nasaun hotu, ne'ebé uluk inklui/tama nu'udar repúblika Uniaun Soviética nian, tama iha Komunidade ida ne'e. Iha parte kontinente Europa Leste nian mosu nasaun: Estónia, Letónia, Rúsia, Ukrânia, Bielorusia, Lituânia. Iha 1990 remata eziste Xekoslovákia, ne'ebé nakfahe ba nasaun rua: Xeko no Eslovákia.

• Dimensaun katekistiku-misionaria

Molok KJ XVII Institutu hotu Konstitusaun nia rielaborasaun, hodi hanoin katak Regra ida ne'e uluknanain mak esperiénsia Espíritu nian ne'ebé hala'o irmán dahuluk sira iha Mornese. Testu simu aprovasaun pontifisia iha 1982.
Bele dehan katak husi KJ XV (1964) to'o KJ XVII Institutu hala'o esforsu maka'as atu halo Konstituisaun-nia revisaun.



DOKUMENTU KONA-BA FORMASAUN NO PASTORÁL FMA NIAN

Durante KJ XVI Institutu aprova *Planu ba FMA-nia formasaun* ne'ebé hakarak favorese no promove atu to'o no habiit identidade FMA nian ho gradualidade.

Iha Kapítulu ida ne'ebá mós iha apresentasaun kona-ba dokumentu ida Pastorál nian: *Ba Pastorál juvenil ida ne'ebé unitaria.*

Dokumentu ida ne'e oferese liña ida asaun nian atu realiza pastorál juvenil ida ne'ebé unitaria iha nivel Instituto, Inspetoria no comunidade ida-idak nian, nune'e la monu ba risku atu buras sektór oioin.



IHA UNIAUN SOVIÉTICA HAHÚ PROSESU PIERIESTROIKA NIAN

Iha 1985 Mikail Gorbaciov sai Sekretáriu Jerál Partidu Komunista Rúsia nian. Tanba iha Uniaun Soviética aumenta ba daudaun krize oioin nune'e nia haree nesiedade atu hahú mudansa ruma. Nia lakohi hamonu sistema komunista maibé halo ninia reformasau. Gorbaciov nia reforma hako'ak "glasnost", dehan katak moris polítika nian ne'ebé transparente, "pieriestroika", dehan katak harii fali moris sosiál no polítiku no "uskorienie", dehan katak aumenta dezvoltamentu ekonómiku. Partidu Komunista aseita projetu, maibé susar atu hetan ema sira iha partidu laran ne'ebé hakarak muda duni. Katástrofe iha séntral elétrika atom nian iha 1986, iha Xiernobíl, aumenta sosiedade nia deskonfia.

MOVIMENTU BA AUTONOMIA IHA NAsAUN SIRA UNIAUN SOVIÉTICA NIAN.

Reforma sira ne'ebé Gorbaciov hahú, hamosu nasionalizmu no sentimentu anti-rusu iha República sira Uniaun Soviética nian. República sira, hanesan Estónia, Lituânia no Letónia, ne'ebé Stalin iha 1940 inklui/hatama ba Uniaun Soviética, husu independénsia ba Governu iha Moskovu. Sentimentu sira hanesan mosu mós iha Ukrânia no Azerbaijaun.

Bele hateten katak Gorbaciov loke dalan ba forsa ida ne'ebé neineik lori ba Uniaun Soviética nia rohan. Iha 1989 governu komunista sira ne'ebé kleur ona moris iha aliansa ho Uniaun Soviética hahú atu monu hotu.

Iha 1990 Partidu Komunista Rúsia konkorda atu husik ninia poder, no nasaun sira ne'ebé to'o tempu ne'e halo parte Uniaun Soviética deklarar sira-nia independénsia, hahú ho Lituânia no Estónia.

MANIFESTASAUN ESTUDANTE SIRA-NIA IHA PEKÍN IHA PRASA TIENANMEN.

Entre abril no Juñu 1989 hahú demostrasaun estudante sira, profesór sira no badain sira hasoru governu komunista iha Xina. Iha abril 1989, mate polítiku ida bé bolu ba reforma, Hu Yaobang.

KONFLITU SIRA IHA EUROPA NO ÁFRICA

Konflitu boot rua ne'ebé akontese iha període ida ne'e mak konflitu iha Jugoslávia no Ruanda.

Jugoslávia: Ema hateten katak konflitu iha Jugoslávia mak "ema no buat hotu-hotu nia funu hasoru ema no buat hotu-hotu" (all against all), tan hako'ak konflitu grupu étniku sira no relijiaun sira: Eslovenu sira, Kroatu sira, Bóznia sira, Sérvu sira, Masedónia sira, Albânia sira, muzulmanu sira, katólíku sira no ortodoksu sira.

Bainhira marxál Tito mate iha tinan 1980, federasaun nasaun oioin nian hahú sai fraku no nasaun ida-idak hanoin atu aumenta sia-nia autonomia no demokrasia. Nasaun ida-idak ne'ebé uluk hetan an iha dominasaun Sérvia nian deklarar independénsia: Eslovénia, Kroásia, Masedónia no Bóznia-Ersegovina. Eslovénia no Masedónia nia haketak-an liu ho hakmatek. Maibé la'ós hanesan ho Kroásia no hafain ho Bóznia, iha ne'ebé moris grupu étniku no relijiozu oioin. Iha 1995, tanba prezensa no interventu ONU nian hapara ona masakre. Maibé odiu no hakarak vengansa nian (rai-kunan) kontinua moris iha fatin ne'ebá.

Funu nia etapa:

1980- Kozovu- Sérvia nia provínsia ho maioria ema Albânia nian hakarak independénsia, maibé Sérvia hatán ho violénsia.

1991- Eslovénia deklarar independénsia no tanba grupu étniku ida de'it moris iha ne'ebá no tanba estadu sira rekoñese sira, Sérvia la halo intervensaun.

Kroásia deklarar independénsia, maibé Sérvia hamutuk ho ema Sérvia ne'ebé moris iha ne'ebá hatán ho violénsia.

1992-94 – funu muda ba Bóznia-Ersegovina. Muzulmanu sira iha Bóznia deklarar independénsia, maibé ema Sérvia bé moris iha ne'ebá proklama República Povu Sérvia nian no hahú funu violentu liu ida entre milísia Sérvia nian no milísia muzulmanu no Kroásia nian. Funu ida ne'e, sai símbolu funu kruél nian.

1995- asina akordu, no Bóznia fahe ba parte rua, ida muzulmanu no ida seluk Sérvia nian.

Funu Jugoslávia nian mak ezemplu funu "limpeza étnika" nian, dehan katak funu-baluk sira buka atu halakon malu, hamohu malu. Funu ida ne'e tama iha istória nu'udar funu sanginozu (fakar raan nian) no dizumanu liu.





bíbliku sequela Kristu nian; iha tinan hitunulu aspetu pneumatolójiku sira Karizma nian; iha tinan walunulu hahú fó urjénsia ba aspetu teoséntriku sira, tan ne'e reflesaun kona-ba "konsagrasaun" subliña elementu tolu: konsagrasaun nu'udar iniciativa Maromak nian; pesoa umana ne'ebé hatán ba bolun hodi konsagra an ho totál ba Maromak liuhusi profisaun konsellu evanjeliku sira-nian; no interventu Kreda nian nu'udar mediadora konsagrasaun nian. Hanesan ne'e konsagrasaun relijioza sai sinál no sakramentu sarani sira hotu nia konsagrasaun ba Maromak; fó hanoin ba Kreda katak ninia vokasaun espesífika mak atu sai Espoza Kristu nian, ne'ebé saran an ba Nia ho radikalidade. Konsagrasaun hatudu katak sarani ida nia espoza no domin loos mak Kristu, ne'ebé sira tenke hadomi no serbí iha buat hotu-hotu. Teolójia konsagrasaun nian, insiste katak prioridade Vida Konsagrada nia ezisténsia mak atu serbí no pertense ba Maromak no la'ós atu "halo" buat barak. Vida Konsagrada nia hun mak Na'i, bé presiza hadomi no serbí diretamente ka liuhusi maun-alin sira.



KAPÍTULU JERÁL NO MADRE JERÁL

Durante tempu ida ne'e, Institutu iha Madre Jerál ida de'it:

Madre Marinella Castagno: (1984-1996) ho sentidu maka'as Kreda nian, nia hametin liután memoria istórika Institutu nian hodi fó hanoin nafatin ba akontesimentu no dokumentu sira Kreda nian

Kapítulu Jerál ne'ebé hala'o iha tempu ida ne'e mak ida de'it: KJ XIX (1990). Durante Kapítulu, FMA sira refleto kona-ba kontribuisaun ba evanjelizasaun foun ne'ebé sira bele fó iha kontekstu ohin-ohin, hodi foti nu'udar modelu Maria, feto Magnificat nian.

DOKUMENTU KONA-BA FORMASAUN NO PASTORÁL FMA NIAN (1985)

Institutu haree fali *Planu formasaun nian* ne'ebé hakerek iha 1975 ad experimentum no elabora fali, nune'e bele konkretiza Konstitusaun foun nia konteudu no espírito.

Projetu Pastorál Juvenil unitaria nian esprime iha modun sistemátiku buat ne'ebé Instituto hakle'an iha nivel reflesaun no esperiénsia nian no oinsá hanoin atu realiza karizma rasik tuir roman orientamentu pedagójiku, teolójiku no pastorál ohin-loron nian.



Ema sira ne'ebé suporta ninia luta, husu governu atu fó resposta ba ninia indikasaun reforma nian. Maibé polisia hahú uza violénsia hasoru manifestante sira. Iha loron ema bá hakoi-mate, 22 Abril, estudante sira halibur iha Prasa Tienanmen hodi husu atu ko'alia ho Primériu Ministru Li Peng. Tan la hetan resposta positiva nune'e estudante sira proklama greve jerál iha Universidade Pekín nian. Governu hamonu akuzasaun katak sira hakarak hatun governu, nune'e estudante sira besik 50 000 sai ba dalan sira Pekín nian hodi husu atu hasai akuzasaun sira ne'ebé bosok. Iha loron 4 fulan Maiu nian ema na'in 100 000 tun ba dalan hodi husu liberdade iha massmédia no diálogo ida entre autoridade partidu nian ho representante estudante sira-nian. Balun hahú "greve hamlaha nian" no iha Prasa sira harii estátua bé bolu "maromak demokrasia nian".

Protesta ida ne'e nakfila ba protesta populár ida, estudante sira hetan simpatia populusaun nian no hada'et ba sidade sira seluk. Deng Xiaoping, maske la'ós ona partidu nia boot maibé kontinua responsavel ba Forsa Armada, deside hahú lei marsiál no loron 20 fulan Maiu soldadu sira tun ba dalan sira Pekín nian no loron 3 fulan Juñu sira hahú tiru iha Prasa Tienanmen. Governu Xina to'o ohin ko'alia kona-ba manifestante 200 no soldadu 100 ne'ebé mate. Kruz Vermella ko'alia kona-ba 2 600 ema mate no 30 000 ema kanek sira.

MURU BERLÍN NIAN HAMONU

Iha 1961 muru ida ne'e mak barreira sementu nian aas metru 3, ne'ebé nakfahe sidade Berlín ba Berlín Leste, kapitál Repúblika Demokrátika Alemánia nian (komunista) no Berlín osidentál, parte Repúblika Federál Alemánia nian. Muru ida ne'e sai símbolu Europa nakfahe nian, nakfahe ba zona bé simu influénsia Estados Unidus nian no zona ho influénsia Uniaun Soviética nian.

Governu komunista Alemánia Leste mak harii muru ida ne'e atu impede ninia sidadaun sira halai ba zona osidentál nian. Husi tinan 1961 to'o 1989, bainhira hamonu muru ida ne'e, maizumenus ema na'in 200 mak mate tanba soldadu sira tiru bainhira ema buka atu halai husi nasaun komunista ba liberdade ne'ebé sira mehi. Ema seluk ne'ebé kaer de'it, kastigu tinan barak iha kadeia. Muru nia naruk mak 155 km.



Iha 1989 bainhira Pieriestroika iha Uniaun Soviética to'o ninia momentu tutun nian, no nasaun komunista barak hamonu sira-nia governu, loron 9 fulan Novembru neineik hahú sobu parte oioin muru nian. Hamonu muru Berlín nian, loke dalan ba unidade entre Alemânia rua ne'ebé hetan ninia konkluzaun loron 3 fulan Outubru 1990.

KONVENSAUN INTERNASIONAL KONA-BA INFÂNSIA NIA DIREITU SIRA

Konvensaun ONU ida ne'e sai iha 1989 no to'o agora Governu 193 mak simu. Entre sira ne'ebé seidak mak Somália no Estadus Unidos. Konvensaun mak lei nia instrumentu importante liu, ne'ebé luta atu labarik ida-idak hetan oportunidade hanesan hodi bele sai protagonista ba sira-nia futuro. Konvensaun hakarak atu had'ia labarik sira-nia kondisaun moris no dezvoltamentu nian.

Konvensaun, ne'ebé nakfahe ba parte 3 no hako'ak Preámbulu no 54 artigu, konsidera nu'udar labarik mak ema ida-idak ho otas entre 0 to'o 18. Konvensaun, nu'udar labarik nia direitu sira, sura: direitu ba naran, moris, saude, edukasaun, identidade legál, rispeitu ba ninia privacidade, dignidade no liberdade atu esprime nia an. Konvensaun mós fó direitu ba labarik atu ema rona sira iha buat hotu-hotu ne'ebé konsidera sira-nia moris.

PREOKUPASAUN TANBA EFEITU SERRA NO KUAK OZONE NIAN.

Efeito serra dehan katak kapasidade planeta nian atu akumula no tahan iha ninia atmosfera loro-matan nia manas ne'ebé prezisa. Efeito serra iha ita-nia planeta ajuda atu bele desenvolve moris ne'ebé bele akontese tanba prezensa gas serra iha atmosfera. Atu ajuda komprende importánsia prosesu ida ne'e nian to'o ona hateten katak tanba prezensa gas serra nian temperatura média superfisiál planeta nian mak + 14° C, se la iha karik gas sira ne'e temperatura média sei la to'o -18°C.

Maibé tanba planeta nia atmosfera hahú fo'er tanba sunu gazol, gazolina, plástiku..., tanba tesi ona ai-hun barak, tanba indústria, gas serra no efeito serra liu ona limite natural nian, liu-liu gas sira hanesan: carbone CO₂, no metanu. Bainhira ita ko'alia kona-ba



aumenta no hamenus efeito serra ita hanoin kona-ba aumenta ka hamenus atmosfera nia kapasidade atu akumula no tahan manas.

Buat sira ne'e hotu hamosu, iha període ita ezamina, preokupasaun kona-ba mudansa klimatika. Maske nune'e ema expertu barak fó provas seluk katak la bele konfunde mudansa efeito serra nian ho aumenta ka hamenus planeta nia temperatura.

KUAK OZONE NIAN

Bainhira ko'alia kona-ba **kuak ozone nian** ita hanoin kona-ba hamenus kamada ozonu (ozonufera) nian, ne'ebé deskobre entre tinan 1979 no 1990. Kamada ozone nian mak nu'udar filtru ida ba raiu ultravioleta nian ne'ebé mai husi loro-matan no bele perigozu ba ema nia kulit, bele hasusar ai-horis sira-nia fotosínteze hodi hamenus produitu agrikultura nian. Hanesan ho efeti serra ema balun fó sala ba indústria ne'ebé halo emisaun boot gas nian ne'ebé provoca kuak ozone nian. Maibé iha mós expertu sira seluk ne'ebé la konkorda ho opiniaun ida ne'e.

KONSAGRASAUN NIA TEOLOJIA NO ESPIRITUALIDADE



Agora reflesaun hahú konsentra ba núkleu permanente Vida Konsagrada nian, dehan katak: husi interesse ba istória ba interesse kona-ba esénsia Vida Konsagrada nian.

Ida ne'e kria ezijénsia atu hakle'an dimensaun teoséntrica. Dokumentu sira ko'alia kona-ba konsagraun foun no espesial nian. Ema kompetente sira estuda realidade esensial saran-an ba Maromak nian nu'udar hatán ba bolun espesial ida. Kódiku Lei Kanónika fó ba liafuan "konsagraun" signifkadu luan hodi hatama iha espresaun ida ne'e institutu sekulár sira, eremita sira, virjen konsagrada sira no sociedade moris apostóliku sira-nian. Dikastériu iha Roma troka naran: husi Kongregasaun ba Relijiozu no Institutu Sekulár sira-nian ba fali Kongregasaun ba Institutu Vida Konsagrada no Sociedade Vida Apostóluka sira-nian. Agora Vida Konsagrada hako'ak forma/maneira hotu moris nian ne'ebé simu no moris tuir konsellu evanjéliku sira: virjindade/selibatu, pobreza no obediénsia tanba Maromak nia Reinu. Reflesaun teolójika estuda konsagraun nia aspetu oioin: iha tinan neennulu sira estuda aspetu